

## खोन्दो 2


### जॉनि गेलेमुफोर



#### खोन्दोनि सोमोन्दै

गेलेनाया मिथिंगायारि आरो जेब्ला जों ज' जायो अब्ला जों बयबो गेलेनो मोजां मोनो । गेलेनाया खौसेथिनि मोन्दांथिखौ बांहोयो आरो जोंखौ गावजों गाव साबसिनै बुजिनायाव मदद खालामो । बेफोर गेलेमुफोरखौ गेलेनाय समाव जों गावजों गाव गोसो गुदुडै आरो सांग्रांथिजों आखु दिन्थिनायखौ थि खालामगोन ।

फै जों बे गेलेमुफोरखौ जॉनि लोगोफोर, फोरोंगिरिफोर आरो नखरनि सोद्रोमाफोरजों गेलेनि ।



आयदा 5

## जायगायारि आरो दोरोडारि गेलेमुफोर



339CH05



सिनायथि

जों गसैबो गावनि नसुंसेनि लोगोफोरजों गोबां गेलेमुफोर गेलेयो । जोंनि हादोरनि मोनफ्रोमबो ओनसोलाव माखासे गेलेमुफोर दं जाय बै ओनसोलनि थाखाय गुबुन । बे आयदायाव, जों गसै हादोराव गेलेजानाय माखासे गेलेमुफोरखौ गेलेनो आरो रंजानो सोलोंगोन । बेफोर गेलेमुफोरखौ गेलेनाय आरो जयै रंजानाय समाव, जों सासेआ सासेखौ अननायजों आखु दिन्थिनो सोलोंगोन आरो साबसिन सुबुडारि जानो सोलोंगोन ।







## माबोरै गेलेनो

- गेलेगिरिफोरखौ मोननै हानजायाव बोखाव । मोनसे हानजाया जादों खुबैग्राफोर आरो गुबुन हानजाया जाबाय बेंगिरिफोर ।
- मोनसे फिसा टावार खुनथिया बानायनो थाखाय अन्थाइफोरखौ गावजों गाव गोजौआव जाबखोलां, मोनफ्रोमबो अन्थाइआ बेनि गाहायाव थानाय अन्थाइनिखुइ फिसासिन ।
- खुबैग्रा हानजानि सासे गेलेगिरिया मोनसे थि जानथायनिफ्राय बलजों अन्थाइनि थुत्रा जाबखोनायखौ खुबैक्लायनो नाजायो ।
- जुदि खुबैग्राफोरनि बलआ अन्थाइफोरखौ खुबैक्लायनो हाया, अब्ला बेंग्रा हानजाया बल बाज्जनायखौ हमनो नाजायो आरो गेलेगिरिया केलानिफ्राय बख जायो । गुबुन सासे गेलेगिरिया अन्थाइखौ बुनो खाबु मोनो ।
- जुदि गेलेगिरिया अन्थाइनि जाबखोनायखौ खुबैक्लायो रंजानाया जागायजेनफिनो !
- बेंग्रा हानजाया बलखौ हमखांडो आरो खुबैग्रा हानजानि गेलेगिरिफोरखौ खुबैनो नाजायो ।
- खुबैग्रा हानजानि गेलेगिरिफोरा बलखौ एरखेनानै हो आरो अन्थाइफोरखौ टावारआव दोनफिननो नाजायो ।
- जुदि खुबैग्रा हानजानि सोरबा गेलेगिरिया बलजों खुबैना नांजायो अब्ला गासै हानजाया थैजोबो ।
- जुदि खुबैग्रा हानजाया गासैबो अन्थाइफोरखौ जाबखोफिननायाव जाफुंसार जायो अब्ला बिसोरो होखावना 'सातोलिया' एबा 'लाग'री'बुडो आरो मानसे अनजिमा मोननो हायो ।
- बिनि उनाव हानजाया बिफावफोर सोलायो ।



फोरोगिरिनि थाखाय रेबसुं



थांखि  
गोसो जानायखौ जौगाहोनाय,  
गोखैथि, थारथि, हेफाजाब आरो  
सहायनाय ।

सोलायनायफोर

- गोब्राब थाखोखौ सोलायनो थाखाय टावाराव अन्थाइफोरनि अनजिमाखौ बाडाय खालाम एबा बांहो ।

बेखननि सम

गेलेनाय समाव देहायारि दुखु  
मोननायनिफ्राय बारग'नो थाखाय नोंडो मा  
खालामनो हायो बेखौ सावराय ।



## अजि 2

### गुलाफ टगर

गुलाफ बेनि ओंथिया जाबाय गलाब बिबार आरो टगर ओंथिया जाबाय खसाब । बे गेलेमुखौ गुबुन-गुबुन मैगं-थाइगं, फिथाइ-सामथाइ आरो जायगाफोरखौ सोलोंनो थाखाय बाहायनो हायो ।





## माबोरै गेलेनो

- मोननै हानजा दा- हानजा ए आरो हानजा बि आरो मोनफ्रोम हानजानि थाखाय सासे दैदेनगिरि सायख' ।
- गेलेग्रा जायगानि मिरुआव मोनसे सारि बो । हानजाफोरा गावजों गाव मोखां जानानै लाइननिफ्राय समान जानथायाव गसंना थायो ।
- दैदेनगिरिफोरा सिरि सिरि फिथाइ-सामथाइ एबा मैगं-थाइगंनि सायाव बिथा खालामनानै गावसोरनि गेलेगिरिफोरनो मुं होयो ।
- बिनि उनाव हानजा ए नि दैदेनगिरिया हानजानि सासे सोद्रोमाखौ मेगन थिफायना लायो आरो टीम बी निफ्राय सासे गेलेगिरिनि थिखानाय मुंजों लिंहरो । बिदिन्थि बायदियै- “थाइजौ अननानै फै”, एबा “फानथाव अनानै फै” ।
- टीम 'बी' निफ्राय लिंहरजानाय गेलेगिरिया फैयो आरो टीम 'क' नि मेगनखौ खानाय गेलेग्रानि बिखुडाव गुरैयै सौयो ।
- मेगनखौ खाजानाय गेलेगिरिया बै गेलेग्रानि नंगुबै मुंखौ सानना लायो जाय बिखुडाव सौयो । मोनफ्रोमबो थार साननायनि थाखाय मोनसे अनजिमा होनाय जायो ।
- दायो टिम 'ख' नि दैदेनगिरिया बेबादिनो खालामो ।

फोरोंगिरिनि थाखाय रेबसुं

थांखि  
मिर्जिथिनाय, हानजा दानाय,  
गोसोआरि बुजिनाय, गोसोखांथि  
आरो मोनदांथिखौ जौगाहोनाय ।

सोलायनायफोर

- गेलेगिरिफोरखौ गुबुन गेलेगिरिजों गोजौनि देहानि गोबां बाहागोफोराव दांनो गनायथि हो जाहाथे बिखौ सिनायनायाव मदद खालामनो हायो ।

बेंखननि सम  
फिथाइ-सामथाइ आरो मैगं-थाइगंनि  
पुष्टिगोनां मुलाम्फाफोरखौ सावराय ।



## अजि 3

### भक्त-सिबियारि ।

बेयो भारतनि गासैबो ओनसोलाव सरासनस्रायै  
गेलेजानाय मोनसे गेलेमु । बेखौ नॉनि  
ओनसोलाव गुबुन मुंजों मिथिनाय जानो हागौ ।

### माबोरै गेलेनो

- सिनायजायै जानो थाखाय सासे गेलेगिरिखौ सायख' । गुबुन गेलेगिरिफोरा खारग्रा ।
- गेलेग्रा जायगानि सिमाफोरखौ थि खालाम जाहाथे बयबो मिथियो दि बिसोरो बबेमिम खारनो हायो ।
- सिनायजायैआ गेलेग्रा जायगानि गेजेराव गसंना दं जेराव खारग्राफोरा सिमानि सिडाव गोसारना दं ।
- सिनायजायैआ खारग्राफोरखौ होसोयो आरो बिसोरखौ दांनो नाजायो ।
- सिनायजायैजों दांजानाय जायखिजाया खारग्राया थाबैनो उननि सिनायजायै जायो आरो गेलेनाया सोलिबाय थायो ।



फोरोगिरिनि थाखाय रेबसुं



थांखि  
गोखैथि, गोखै फिनजाथाय सम,  
थिरांथा लानाय आरो सहायनो हानाय  
मावथि आखु जौगाहोनाय ।

#### सोलायनायफोर

- खारस्लायस्लाय, नॉडो बाजलनो एबा बारनो हायो ।
- गोब्राब थाखोखौ सोलायनो थाखाय जायगाखौ बाडाय खालाम एबा बांहो ।

बेंखननि सम  
गेलेनाय समाव देहायारि दुखु  
मोननायनिफ्राय बारग'नो थाखाय नॉडो मा  
खालामनो हायो बेखौ सावराय ।



## अजि 4

## जिनज्जि (सानकाली)

बेयो मोनसे गोरलै गेलेमु जायखौ  
बायदि रोखोमनि महराव गेलेनो हायो।



## माबोरै गेलेनो

- सिनायजायै जानो थाखाय सासे गेलेगिरिखौ सायख'। गुबुन गेलेगिरिफोरा खारग्राफोर।
- गेलेग्रा जायगानि सिमाफोरखौ थि खालाम जाहाथे बयबो मिथिगौ दि बिसोरो बबेहाय खारनो हायो।
- सिनायजायैआ खारग्राफोरखौ होसोयो आरो बिसोरनि गेजेराव सासेखौ दांनो नाजायो।
- जेब्ला जायखिजाया खारग्राखौ दांनाय जायो, अब्ला बै गेलेगिरिया मोनसे जिनज्जि बानायनो थाखाय सिनायजायैजों आखाय हमलायो।
- सिनायजायै आरो गोदानै हाबफैनाय गेलेगिरिफोरा मोनसे जिनज्जि बानायो आरो खारग्राफोरखौ जयै होसोयो। लासै-लासै गोदान सोद्रोमाफोर दाजाबदेरनाय जायो आरो जिनज्जिनि लावथाइया बांलाडो।
- गेलेनाया सोलिबाय थायो जेब्लासिम गासैबो खारग्राफोरा जिनज्जिनि बाहागो जाया। जोबथा खारग्राया देरहागिरि जायो।

फोरोगिरिनि थाखाय रेबसुं

थाखि  
गोखैथि, गोहो, थिरांथा, गोरोबनाय  
आरो खौसेथि जौगाहोनाय।

सोलायनायफोर

- गोब्राब थाखोखौ बाडाय खालामनो एबा बांहोनो थाखाय गेलेग्रा जायगानि अरथाइखौ बाडाय खालाम एबा बांहो।

बेंखननि सम

नोंनि हानजानि सोद्रोमा एबा गुबुन  
हानजानि सासे सोद्रोमा मोजां गुनगोतां  
सासेखौ लेंहर।





## अजि 5

### मेगन खाथेनाय

बेयो भारताव जोबोद मुंदांखा गेलेमु आरो बेंगल, आसाम, अडिशा आरो त्रिपुरा बायदि गुबुन गुबुन रायजोफोराव गुबुन गुबुन मुंफोरजों गेलेनाय जायो। आंख बेनि ओंथिया मोनसे मेगन आरो मिच'लि बेनि ओंथिया खेबथेनाय। नोंनि ओनसोलाव बे गेलेमुनि मुडा मा?

### माबोरै गेलेनो

- गेलेग्रा जायगानि सिमाफोरखौ ओंथि बेखेव जाहाथे बयबो मिथिनो हायो दि बिसोरो बबेहाय खारनो आरो थाखोमानो हायो। आदुवा हमग्रा जानो थाखाय सासे गेलेगिरिखौ सायख'।
- सासे गेलेगिरि, जायनि मेगना जिजों खोबजानाय, बिथांखौ गेलेग्रा जायगानि मिरुआव गसंहोनाय जायो।
- गुबुन गेलेगिरिफोरा गेलेग्रा जायगायाव गोसारना दं आरो रोजाबबाय थायो “फै मेगन खाथेलायनाय गेलिनि।”
- आदुवा हमग्राआ गुबुन गेलेगिरिफोरखौ होसोनो नाजायो आरो बिसोरखौ दांनो नाजायो। जाय दिगनिफ्राय सोदोबा फैगासिनो।
- आदुवा हमग्राआ बै गेलेगिरिखौ सिनायथि होनांगोन जाय दांजायो। जुदि बेयो थारब्ला, गेलेग्राया गोदान आदुवा हमग्रा जायो। आरो गेलेनाया सोलिबाय थायो।



फोरोंगिरिनि थाखाय रेबसु

थांखि  
खोनासनाय, आसा खालामनाय,  
हेफाजाब होलायनाय आरो  
सहायनायनि गोथौ मोन्दाथिखौ  
जौगाहोनाय।

सोलायनायफोर  
सासेनि सोलाय सानै आदुवा हमग्रा ला।

बेंखन सम  
जेब्ला नोंडो बयबो जयै गेलेयो आरो  
जेब्ला नोंनि लोगोफोरा गोमायो अब्ला  
नोंडो माबायदि मोन्दाथि मोनो बेखौ  
सावराय।





## अजि 6

### खामि गज


बेनि ओंथिया जाबाय  
खामि गज आरो कुद बेनि  
ओंथिया जाबाय बारनाय ।  
बे गेलेमुखौ आखाइजोँ एबा  
जि एबा दंफानि लावथिजोँ  
गेलेनाय जायो जेरै गाहायनि  
सावगारियाव दिन्थिनाय  
जादों ।

### माबोरै गेलेनो

- सानै गेलेगिरिफोरनि हानजा दायो ।
- जरासेखौ आदुवा हमग्रा महरै सायख'नाय जायो । बे जराया गाहायाव दिन्थिनाय बायदि गंसे लावथि एबा जि लाना हायाव जिरायना दं ।
- गासैबो गेलेगिरिफोरा बे लावथिनि सायाव बारनांगोन ।
- जुदि जायखिजाया हानजानि सानैबो गेलेगिरिफोरा लावथिनि सायाव बारनायाव फेलें जायो अब्ला बिसोरो गोदान आदुवा हमग्रा जायो ।
- जुदि गासैबो हानजाया लावथिनि सायाव जाफुंसारजासे बाजुमोब्ला डेनआ लावथिनि जौथायखौ बांहोयो । गेलेनाया सोलिबाय थायो जेब्लासिम गासैबो गेलेगिरिफोरा मेंनाय नडा ।



फोरोंगिरिनि थाखाय रेबसु



थांखि  
थारथि, आर्थिनि गोहो, दिदोमथि  
आरो हेंथाफोरखौ बारग'नो  
साहसखौ जोथोन लानाय ।

### सोलायनायफोर

- गुबुन-गुबुन जौथायनि बायदि रोखोमनि महरफोर  
बानायनो थाखाय आखाइखौ बाहाय ।

बेखनारि सम  
सावरायदि नोंडो बै गेलेगिरिफोरखौ माबोरै  
मदद खालामनो हायो जाय हेंथाखौ बारनो  
हाया ।



अजि 7

## खामि गज बारनाय

बे गेलेमुखौ गुबुन गुबुन मुंफोरजों जेरै सथाफु, एखाट-दुखाट,  
गुटि जोनि हादोरनि गुबुन गुबुन बाहागोफोर बायदि बायदियै  
मोनथिनाय जायो।





## माबोरै गेलेनो

- सिगांनि बिलाय अनजिमा नि सावगारियाव दिन्थिनाय बायदि मोन दाइन बर्गफोरजों हायाव दागो खालाम ।
- गिबि गेलेगिरिया जागायजेन्नाय लाइननि उनथिं गसंना थायो आरो दागो मुवाखौ (मोनसे फिसा दाब्ले अन्थाइ) बर्ग -1 आव खुबैयो । बेयो दिरुंफोरखौ बाज्जुमनाय एबा दांनाय गैयाजासे बर्ग सिडाव गोग्लैनांगोन ।
- गेलेग्राया बर्ग-1 निफ्राय बर्ग-8 आरो उनथिं ह'प खालामो, जाय बर्गआव मार्कारखौ दोननाय जादों बेखौ एंगारना होयो । गेलेग्राया मोनसे बर्गआव मोनसे आथिंआव आरो मोन्नैबो आथिडाव मोननै बर्गआव मोनफ्रोम बर्गआव मोनसे आथिंजों बाज्जुमो ।
- उनथिं थांफिन्नाय समाव, गेलेग्राया बर्ग-2 आव थाथ'यो, मार्कारखौ दैखाडो आरो बायजोआव फैनो थाखाय बर्ग-1 नि सायाव ह'प खालामो । गेलेगिरिया नैथि, थामथि, ब्रैथि, 5थि, 6थि, 7थि आरो 8थि बर्गआव मार्कारखौ खुबैनानै गेलेबाय थायो ।
- जुदि दागो मुवाआ थार बर्गआव गोग्लैया, एबा जुदि सासे गेलेगिरिया मोनसे सारिआव आगान होयो एबा गोरोन्थि बर्गआव बाज्जुमो, एबा बेलेन्स खोमायो, अब्ला बिसोरनि फारिआ जोबो । फैगौ समाव, गेलेग्राया बर्गनिफ्राय जागायजेनो जेराव बिसोरनि फारिआ जोबदोंमोन ।
- जाय गेलेगिरिया गासैबो बर्गखौ आबुं खालामो बियो गेलेमुखौ गिबियाव देरहायो ।

फोरोगिरिनि थाखाय रेबसुं

थाखि  
आथिनि गोहो, समानथि, दिदोमथि,  
सहायनाय आरो गोसोनि गोहोखौ  
बांहोनाय ।

सोलायनायफोर

- गोब्राब थाखोखौ सोलायनो थाखाय अरथाय एबा  
बाक्सुफोरनि अनजिमाखौ बांहो एबा बाडाय  
खालाम ।

बैखनारि सम

गेलेनाय समाव साफ्रोमबो गेलेगिरिया  
गावसोरनि समानथिखौ लाखिनो थाखाय  
मा खालामदोंमोन बेखौ सावराय ।




अजि 8

## दावज्ला सौज्जायनाय

बेयो मोनसे मुंदांखा गेलेमुनि मोनसे सोलायनाय जायखौ बुंनाय जायो लांगदि (मोनसे आर्थि दिखांबाय थानाय।

## माबोरै गेलेनो

- गेलेगिरिफोरनि अनजिमानि सायाव सोनारना हायाव मोनसे बेंखन बो।
- साफ्रोमबो गेलेगिरिया बेंखननि सिडाव थानांगौ।
- गेलेनायनि थांखिया गुबुन गेलेगिरिफोरखौ बेंखननिफ्राय बायजोआव नारख्लायनाय एबा ओरैबादि दि बिसोरो मोत्रैबो आथिडाव गसंनो नारसिन जायो।
- बादाय गिरिया गेलेनायखौ मोनसे आर्थिजों ह'प खालामनो आरो मोनसे आखाइजों गावसोरनि फाफ्लियाव जिरायनायजों जागायो।
- गेलेमुखौ जोबथा सुबुडा बर्ग सिडाव मोनसे आथिडाव थानो थाखाय देरहायो।



फोरोंगिरिनि थाखाय रेबसु

थांखि  
समान्थि जौगाहोनाय, आबुं देहानि  
गोरोबलायनाय,  
आर्थि, फाफ्लियाव गोहो आरो  
थाबथानो हानाय गोहो।

सोलायनायफोर

- बेंखननि महरफोरखौ बाराय एबा बाडाय खालाम।

बेंखननि सम

गेलेनायखौ सोलायनायनि राहाफोरखौ सावराय।





## अजि 9

## कुमिर देंगा

कुमिर बेनि ओंथिया गोलेर आरो देंगा बेनि ओंथिया दैमानि रुगु। बेयो हादोरनि गोबां बाहागोफोराव मोनसे मुंदांखा गेलेमु आरो बेखौ गुबुन गुबुन मुंफोरजों मिथिनाय जायो।

## माबोरै गेलेनो

- गाहायनि सावगारियाव होनाय बायदि गोबां 'हा' आरो 'दै' जायगाफोराव हाखौ सिन होनो थाखाय चक पाउडार बाहाय।
- सासे गेलेगिरिया गोलेर जागोन (कुमिर गेलेनाय) आरो आद्राया खारया जागोन।
- खारयाफोरा हा ओनसोलफोराव रैखाथि गोनां, नाथाय दै ओनसोलाव गोलेरआ गाग्लोबनो हागौ।
- खारयाफोरा दावगालांबाय थानांगौ। मोनसे हा ओनसोलनिफ्राय गुबुन मोनसे हासिम गोलेरनि गेलेगिरिखौ जिंगासिनाय समाव।
- जुदि गोलेरनि गेलेगिरिया दै ओनसोलाव जायखिजाया खारयाखौ हमथायो, अब्ला हमजानाय खारयाया गोदान गोलेर जायो आरो गेलेनाया सोलिबाय थायो।



थाखि आर्थिनि गोहो, सांग्राथि, गोखै फिनजाथाय सम आरो गोखोडै आरो दिदोम समानथिखौ जोथोन लानाय।

## सोलायनायफोर

- नोंडो बारसनाय समाव ह'पिं एबा बारनाय बायदि गुबुन-गुबुन मुवाफोरखौ नाजानो हायो।

बैखनारि सम नांनो हायै खालामनो थाखाय नोंडो मा खालामखो सावराय। जुवा गेलेनाय (गोलेर)।



## अजि 10

### जों बिबारनि लामाजों थाबायलाडो

बे गेलेमुखौ ओनसोलारि रावफोराव गुबुन-गुबुन खौसेयै होस्रिखावनायफोरजों गेलेनाय जायो । बेखौ ओंथि गोनां खालामनो थाखाय, नोंनि फरायसालिनि थाखाय गोदान खौसेयै होस्रिखावनाय सोरजिनो हागौ ।

जों बिबारनि लामाजों  
थाबायलाडो



जों गुसु बाराव थाबायो ।





## माबोरै गेलेनो

- फोथाराव मोनसे थोंगोर हांखो बो ।
- मोत्रै हानजा दाना ला जाय माखासे जानथायाव सारिनि उल्था फारसेथिं गसंगोन ।
- गिबि हानजाया सारि फारसे थाडो आरो बुडो, “जों बिबारनि लामायाव थाबायलाडो” (जों बिबारनि लामायाव थाबायलाडो) ।
- नैथि हानजायाबो सारिनि खाथियाव सौहैयो आरो फिन्नाय होयो- “जों गुसु बारजों थाबायलाडो” (जों गुसु बाराव थाबायलाडो) ।
- अब्ला गिबि हानजाया सोडो- “नोंडो सोरखौ लानो लुबैदों?”
- नैथि हानजाया गिबि हानजानिफ्राय सासे गेलेगिरिनि मुं लाना फिन्नाय होयो । बिदिन्थि महरै, “गौरी” ।
- अब्ला गिबि हानजाया फिन सोंफिनो- “नाथाय सोरजों?”
- बेनि उनाव नैथि हानजाया गावसोरनि हानजानिफ्राय सासे गेलेगिरिनि मुं लायो । बिदिन्थि महरै, “राधाजों” ।
- गिबि हानजाया फेरफाथिनायखौ नाजावो आरो फिन्नाय होयो- “हायोब्ला बिखौ ला” ।
- दायो बे सानै सायख'जानाय गेलेगिरिफोरा सारिनि उल्था फारसेथिं गसंना गावजों गाव बोनो नाजायो ।
- जायखौ बोखांनाय जायो बियो उल्था हानजानि सोद्रोमा जायो आरो सानै गोदान गेलेगिरिफोरजों गेलेनाया सोलिबाय थायो ।

फोरोंगिरिनि थाखाय रेबसुं

थाखि  
देहानि गोहो आरो गासै गोहोखौ  
नागिरना दिहुननाय आरो  
हानजानि थुलुंगाखौ जौगाहोनाय ।

सोलायनायफोर

- मोनफ्रोम हानजानिफ्राय सानै  
गेलेगिरिफोरा चेलेन्जआव नांथाबनो  
हागौ ।

बेखन्नि सम

जेब्लाबो लोरबांसिन गेलेगिरिफोरखौ  
सायख'नायनि बेरेखायै समान गोहोनि  
गेलेगिरिफोरखौ सायख'नाया मानो गोनां, बेखौ  
सावराय ।





## अजि 11

### बलखौ एरखेनाय

बेयो जॉनि हादोरनि गासैबो  
ओनसोलाव गेलेजानाय  
मोनसे मुंदांखा गेलेमु। दुखु  
मोननायनिफ्राय बारग'नो थाखाय  
गेलेनायाव मोनसे गुरै बलनि  
बाहायनाय जानो हागौ।

### माबोरै गेलेनो

- बादुवा खुबैग्रा जानो थाखाय सासे गेलेगिरिखौ सायख' दि. गुबुन गेलेगिरिफोरा एरखेग्राफोर जानो हागोन
- हायाव मोनसे गिदिर बेंखन बो। बादुवा खुबैग्राआ बेंखननि मिरुआव गसंगोन जेराव एरखेग्राफोरा बेंखननि सिमायाव गसंगोन।
- बादुवा खुबैग्राआ मोनसे गुरै बल बाहायनानै एरखेग्राफोरखौ खुबैदेरनो नाजायो।
- खुबै जानाय एरखेग्राआ गोदान बादुवा खुबैग्रा जायो आरो गेलेनाया सोलिबाय थायो।



फ़ोरोगिरिनि थाखाय रेबसुं



थांखि  
गोखैथिखी गोखों खालामनाय, नोजोर  
होनाय, गेबैथि आरो  
गावखौ रैखाथि होनाय।

सोलायनायफोर

- गेलेमुखौ सानै बादुवा हमग्राफोरजों गेलेनो हायो।

बेंखनारि सम

सोमावसारनायफोरखौ सावराय  
जेराव बलखौ नाडै खालामनायनि थाखाय।



## अजि12

## सामुसनि खारनाय

बेयो गसैबो बैसोनि सुबुंफोरजों गेलेजानाय मोनसे मुंदांखा गेलेमु। बेखौ गंसे आरांगा सामुस, आरो लेबु एबा गरसे मार्बलजों गेलेनाय जायो।

## माबोरै गेलेनो

- गेलेगिरिफोरनि खारनायनि थाखाय मोनसे जागायजेननाय सारि, मोनसे जोबथा सारि आरो आगाननि दागो बो।
- गसैबो गेलेगिरिफोरा खुगायाव सामुसजों (लेबु एबा मार्बल थानाय) जागायजेनाय सारिनि उनथिं गसंना थायो।
- रिफारि सुनायाव, गेलेगिरिफोरा जोबथा सारिनि फारसे थाबायनो हमो।
- जाय गेलेगिरिया लेबु एबा मार्बलखौ गारस्लाबासिनो सिगां फोजोनानै सारिआव सौहैयो, बियो देरहायो।



फोरोंगिरिनि थाखाय रेबसुं



थाखि गोसो हमथानाय, समानथि, थि खालामनाय आरो गोदोनानि मोदोमनि गोहोखौ जौगाहोनाय।

सोलायनायफोर

- बेखौ सिगाडाव एबा उनथिं आखाइ फोलावनानै गेले।

बेखनारि सम

सावरायदि माबोरै गोसो हमथानाया गेलेनायाव मोनसे बिफाव लादोंमोन। सावरायदि जेब्ला नोंडो बेखौ सिगां आरो उनथिं आखाइजों गेलेयो अब्ला मा जायो।



## अजि 13

### गदधा मार

बेयो गसैबो ओनसोलाव गेलेजानाय मोनसे मुंदांखा गेलेमु। दुखु मोननायनिफ्राय बारग'नो थाखाय गेलेनायाव मोनसे गुरै बलनि बाहायनाय जानो हागौ।

### माबोरै गेलेनो

- मोनसे जिनि बल बानाय आरो गेलेनायनि जायगाखौ दिहुननानै ला।
- गेलेनायखौ जागायजेननो थाखाय, सासे गेलेगिरिया बलखौ आखायाव लायो आरो सोडो, “नोंसोर गसैबो थियारि नामा?”। गुबुन गेलेगिरिफोरा बुडो, “हायो” आरो सोरगिदिं खारनो हमो।
- गुरै बलजों गेलेग्राया गुबुन गेलेगिरिफोरखौ बेजों खुबैदेरनो नाजायो।
- जाय गुरै बल मोनो बियो खाथिनि गेलेगिरिफोरखौ खुबैदेरो।
- बेयो सोलिबाय थायो जेब्लासिम बयबो मेंनाय नडा।

फोरोंगिरिनि थाखाय रेबसुं

थाखि  
थारथि, नोजोर होनाय, गोखैथि,  
गावखौ रैखाथि होनाय आरो गोखै  
फिनजाथाय समखौ बांहोनाय।

सोलायनायफोर

- खुबै जानाय थि जायगाफोराव नोजोरथि खालाम।  
बिदिन्थि बायदियै- जान्जनि गाहायाव मोनबा  
दागोफोर आरो धइनि थाखाय मोत्रै दागोफोर।

बेंखननि सम

गुबुन-गुबुन रोखोमनि दुखु मोन्नायफोरखौ  
सावराय जाय गेलेनाय समाव जायो  
गेलेमु आरो माखासे सांग्राथिफोर  
दुखु मोननायनिफ्राय बारग'नो।






अजि 14

## दुरुं बोलायनाय खेला

दुरुं बोलोयनाय खेलाआ गासै बहुमाव गेलेजानाय मोनसे गोदो गोदायनि गेलेमु। भारतनि माखासे बाहागोफोराव बेखौ मुडै मिथिनाय जायोदि रासा-काशी एबा भादाम-भालि. बेयो गुबुन गुबुन जायगायारि मेलाफोराव गोसो बोर्नो हानाय मोनसे मिरु। दुखु मोननायनिफ्राय बारग'नो थाखाय बेखौ जोथोनजों गेलेनांगौ।

## माबोरै गेलेनो

- गेलेग्रा जायगानि मिरुआव मोनसे सिन बोना ला आरो मोन्नै हानजाखौ सारिनि उल्था फारसेथिं गसंहो।
- मोनसे गिदिर दिरुं ला आरो गासैबो गेलेगिरिफोरा बेखौ गोखोडै ह्मथायो जेरै गाहायनि सावगारियाव दिन्थिनाय जादों।
- गेलेनाया रिफारि सुनायजों जागायजेनो। मोनफ्रोमबो हानजाया दिरुंखौ गावसोरनि फारसेथिं बोयो।
- गेलेनायनि देरहागिरिया बै हानजादि जाय उल्था हानजाखौ मिरु दागोनिफ्राय बारजासे बोयो।



फोरोगिरिनि थाखाय रेबसुं

थाखि  
गासै गोहो, थिरांथा, मावखान्थि आरो  
हानजायारि खामानि।

सोलायनायफोर

- दिरुंखौ गावनि जान्जिनि एसे उनर्थिं ला।

बेंखनारि सम

गेलेगिरिफोरखौ दोन्नो थाखाय नोंडो  
मा आदब खायदा बाहायदोंमोन बेखौ  
सावराय।





अजि 15

## थोंथाम आर्थिंजों खारना बादायलायनाय

बेयो गासै हादोराव गेलेजानाय मोनसे सरासनसा गेलेमु। बेनि मोनसे रोखोम, माखासे रोखोमफोरजों, पेरालिम्पिकआव गेलेनाय जायो।

## माबोरै गेलेनो

- सानै गेलेगिरिफोरनि हानजा दानाय।
- थोंथाम आर्थिंजों खारनानि थाखाय जिनि थुख्राखौ बाहायनानै सासे गेलेगिरिनि आगदा आर्थिंखौ गुबुन सासेनि आगसि आर्थिंजों खा।
- मोनफ्रोमबो हानजाया जोबथा दागोसिम खारलाडो। जाय हानजाया गिबियाव फिजोबथानाय दागोआव सौहैयो बियो देरहागिरि।



फोरोगिरिनि थाखाय रेबसुं।

थांखि  
गोरोबलायनाय, समानधि,  
थिरांथा, सनमानखौ  
जौगाहोनाय।

सोलायनायफोर

- सासे गेलेगिरिखौ मेगन थिफायनो हायो आरो सानैबो गेलेगिरिफोरनि आखान्थिखौ खानाय जायो।  
गावजों गाव.

बेखनारि सम

गुबुनफोरजों खारनाय समाव मोगा-  
मोगि जानांनाय गुबुन-गुबुन जेनाफोर  
आरो गोरोबलायनायाव माबोरै खामानि  
मावनांगौ बेनि सायाव सावराय।





## अजि16

### सिडाव आरो बायजोव

बे गेलेमुआ गुबुन-गुबुन ओनसोलफोराव  
गुबुन-गुबुन मुंफोर दं जेरै जाल-थाल,  
थालियाद-मालियाद कुल्लाम-कारा,  
बायदि बायदि।

### माबोरै गेलेनो

- मोनसे गिदिर आसान बो। गासैबो गेलेगिरिफोरा आसाननि बायजोआव गसंना फोरोंगिरिनि बिथोनफोरखौ मानियो।
- जेब्ला फोरोंगिरिया सिडाव बुडो, गेलेगिरिफोरा रिंनि सिडाव बाजुमो आरो जेब्ला फोरोंगिरिया बायजोआव बुडो, गेलेगिरिफोरा रिंनि बायजोआव बाजुमो।
- फोरोंगिरिया जानला-मोनला बिथोनफोर ह्योयो। सिडाव आरो बायजोआव, जाय गेलेगिरिफोरा बिथोनफोरखौ फालिनायाव गोरोंन्थि खालामो, बिसोरखौ फोसावनानै बखनाय जायो।



फोरोंगिरिनि थाखाय रेबसु



थाखि  
आर्थिनि गोहो, गोसो होनाय आरो  
गोखै फिनजाथाय जौगाहोनाय  
सम।

सोलायनायफोर

- बिथोननि बुंनायखौ थाब-थाब एबा थाद-  
थाद बुंनो हायो।

बेंखननि सम  
फोरोंगिरि बुंनायखौ गोसो हो माबोरै  
आर्थिखौ गानांगी बेखौ सावराय।



अजि 17

## स्रां आरो सायखं

बे गेलेमुखौ गुबुन गुबुन मुंफोरजों मिथिनाय जायो जैरै धुप चानव, एन्धियारी अन्जुरि, बायदि बायदि। एन्धियारी बेनि ओंथिया सायखं आरो एबा बेनि ओंथिया सोरां।

## माबोरै गेलेनो

- मोननै हानजा, मोनसे स्रां हानजा आरो मोनसे सायखं हानजा दायो।
- सायखं हानजाआ सायख्लुमाव जायगा लागोन आरो स्रां हानजाया सोरांआव थागोन।
- बिनि उनाव मोन्नैबो हानजाया बेरेखा हानजानि ओनसोलाव थांनो नाजागोन। जुदि सासे सायखं हानजानि गेलेगिरिया सोरांआव स्रां हानजानि जायखिजाया गेलेगिरिजों दांजायो, अब्ला बै गेलेगिरिया स्रां हानजानि गेलेगिरि जायो आरो बिनि उलथायै।
- बेयो सोलिबाय थायो जेब्लासिम मोनसे हानजायाव सासेबो गेलेगिरिफोर थाया।



फोरेगिरिनि थाखाय रेबसुं



थाखि गोखैथिखौ बांहोनाय, गोखै फिनजाथाय सम आरो हानजानि खामानि।

सोलायनायफोर

- सोरां आरो सायखं बिन्दोफोरखौ बांहो एबा बाडाय खालाम।

बेंखनारि सम गेलेनायनि गोब्राब थाखोखौ बांहोनी थाखाय माखासे रोगथिफोरखौ सावराय।

© NCERT  
not to be republished